

廣

州

大

典

陳建華 曹淳亮 主 編

廣州大典

10

第一輯·廣雅叢書
第十冊

廣州出版社

目錄

後漢書補注二十四卷	清惠棟撰	一
後漢書辨疑十一卷	清錢大昭撰	五四二
續漢書辨疑九卷	清錢大昭撰	六〇九
後漢書注補正八卷	清周壽昌撰	六五五
後漢書注又補一卷	清沈銘彝撰	七一二
後漢書補注續一卷	清侯康撰	七三五
兩漢書注攷證二卷	清何若瑤撰	七八三
後漢郡國令長攷一卷	清錢大昭著	八〇二

後漢書補注序

光緒二十季冬十月
廣雅叢書局刊

後漢書補注序

乾隆歲甲戌元和惠子定字以所著後漢書補注二十四卷見示且屬爲之敘余受讀卒業作而嘆曰先生之援據博而考覈精一字不肯放過亦一字不肯輕下洵史志中絕無僅有之書也考章懷太子以儲貳之位招集賓客撰爲此書疑非出一人之手慮不無舛錯遺漏而范蔚宗全本華嶠後漢書比謝承書東觀記所載人物削去十之四五後人悅其文采遂與馬班並稱三史而其中遺美實多夫史以傳信今於人物多所闕畧是使可傳者不獲顯於後世復得章懷爲之注後人不復致疑是范史之咎而亦章懷之咎也先生倣裴松之注三國之例以范史爲主悉本東觀記及皇甫謐帝王世紀謝承謝沈袁山松所

後漢書補注序

廣雅叢書局刊

撰後漢書及司馬彪續漢書袁宏辭堂後漢紀傳爲之附俾事案然可觀約而不漏詳而不繁注人志援引尤多其有脫字衍字及差譌者復據家寧人先生及何義門所評三史一一較正之使讀者一見易了無復有魯魚亥豕之譌其用心可謂勤矣先生原本家學始自曾祖樸菴公諱某明歲貢生隱居不仕以九經訓子弟先生之祖周惕爲汪鈍翁高弟父諱士奇兩世並以文章博學爲海內泰山北斗列翰苑爲顯人先生弱冠卽覃精經史三十以前撰此書及左傳補注六卷三十以後專意經學所著經說十數種辛未之歲

今天子詔內外官員列薦海內篤志經學博物洽聞之士大吏以君名上會

大四百八十
小六

天子愼重遴選詔大學士九卿核定四人先生不得與而余以
衰老濫膺

恩命今讀先生書爽然自失執筆之餘爲慙慙者久之六月上
浣二日錫山同學弟顧棟高書

後漢書補注 序

二

集梧館揚州得交寶山李喬生教授晨夕過從談裁斯文之契
積久彌篤一日出其手錄惠氏後漢書補注曰此定宇先生振
古之業顧獨未刊行并示所題識於書之傳授顯晦明辨以哲
集梧狂喜借觀之嘆其旁推交通取精多而用心細所以昌明
絕學足與小司馬史記索隱並附正史爰即仿其體例付之梓
人而蒙于郡國志丹陽郡故鄣之文竊附說焉丹陽郡注秦鄣
郡劉敞曰秦分三十六郡無鄣郡云云補注劉說非也據越紐
錄即今之越絕書以故鄣爲秦漢以來所置無疑又據晉志丹陽當作
楊又秦鄣郡所治秦亦當作故云集梧案丹陽之或從陽或從
楊自晉至唐無定字也而郡治有定也通鑑卷七十注項安世
曰丹陽以多赤柳在丹陽山晉書南史並用楊考二漢志丹陽
郡本秦鄣郡漢武帝更名丹陽郡若班志誤注丹陽縣誠如項
氏所云二漢之丹陽郡治宛陵宛陵晉宋屬宣城郡治所既異
則漢魏時之丹陽郡當依二漢志爲陽不當作楊也要之鄣郡
實秦郡劉注沈志及裴注得之若劉原父謂秦三十六郡無鄣
郡豈亦誤讀班志以南海等三郡充三十六郡之數乎又搞本
初名訓纂後定曰補注蓋補梁劉昭注唐章懷太子賢注故云
案劉昭注補別本改云補注其所云補注者補之注之各自爲
義非謂補注之闕與補志注之闕也近本題作劉昭補并注益
了然矣不必疑昭之前已有注司馬志者而昭又補其注即天
文五行志之無注更不必疑其亡而非劉氏原本也并質之
喬生先生以余言有所稽否也嘉慶甲子六月桐鄉後學馮集

後漢書補注 序

一

大正百三十四
小

梧

後漢書補注 序

二
廣雅叢書同治

跋後漢書補注

數百年來談漢儒之學者莫盛於今日而必以吳惠氏爲首屈
元龍仲孺兩先生皆以翰苑起家父子傳述尊精抉奧至仲孺
子定宇先生承兩世之傳而益擴之于是東西京流傳僅存之
單文碎義推闡發明直接二千載以上久湮之旨以不固於近
世章句詁訓之俗學啟謬摘誤斯亦藝苑振古之業也先生早
擅家艱絕意仕進大吏嘗一以經學薦海內通人學士咸推挹
以爲不可及所著書極富次第得當代大有力者爲之表明行
世惟後漢書補注藏書家未得其本頗以爲恨先生中年後在
揚日多客廬都轉署中最久儀徵汪對琴比部好古嗜學尤傾
心於先生先生嘗病旅次爲親視藥餌危而復安所費殆及千
金不以告也先生心感其意因舉是書稿本繕本盡詒比部遂
不自有之比部懲郭象盜秀之非什襲珍護屢欲梓而絀於力
其後家益落同里陳氏喜聚書比部因以繕本付之而自留臺
本陳氏亦未及刻比部每向余言意殊悵悵比部既亡余從其
令子假得稿本俱出先生手書件繫條舉黏紙累累殊費尋繹
先是焦孝廉循從稿本鈔錄一通余復假之焦互相讐校而陳
氏子爲余郡學生因緣借得繕本雖比部令子亦未之見然尚
有添注補錄雜綴於書之上方較稿本則已釐然易讀聞見積
而愈富其功固無止境也書仿小司馬索隱式約三十餘萬言
爲二十四卷實事求是強覺章懷本注之疏畧班史有三劉駿
正并間見於叢說中而范獨未之及其天文五行等志尤精鑒

大正
小六

後漢書補注 序

一
廣雅叢書同治

五言先生賈誼圖緯爲世絕學精心考核其快處真若撥雲
見青天也余既手自寫錄又乞朋好伙助之是書有功范
史其精神終不能磨滅顯晦有時畱以相待因備述其詳并錄
于稿本後而返之汪君以無忘比部惓惓之古誼稿本標名訓
纂先生向有精華錄訓纂意蒙其稱至繕本則定爲補注云時
嘉慶八年五月二日寶山李保泰書

作序後偶讀潛研堂集中先生傳紀後漢書補注十五卷蓋
先生既以贈比部不自畱稿門下士知先生用力於此者久
從所閱後漢書本苒錄排纂釐爲十五卷流傳吳下並非全
書焦孝廉親晤江良庭聲丈云然丈即先生高第弟子也附
志於末庶後之讀者不以十五卷之故轉疑此本也九年五

後漢書補注

月七日又書

二

廣雅書局印

後漢書補注卷第一

元和惠棟撰

帝紀第一

光武

注秀之字曰茂

洪邁曰漢高祖諱邦荀悅云之字曰國惠帝諱盈之字曰滿
謂臣下所避以相代也蓋之字之義訓變左傳周史以周易
見陳侯者陳侯使筮之遇觀之否謂觀六四變而爲否也他
皆倣此棟謂之猶適也適則變矣易繫辭曰惟變所適京房
論卦有適變是也避諱改文與卦變同故云之

出自景帝生長沙定王發劉歆曰案文言出自景帝生長沙定

後漢書補注卷一

廣雅書局印

王發文意不足蓋此生字當作子字

案東觀記世祖紀曰世祖光武皇帝高祖九世孫承文景之
統出自長沙定王定王生舂陵節侯本書自明范氏易其文
而義反晦耳

養于叔父良

東觀記曰年九歲而南頓君卒隨其叔父在蕭八小學棟案

宗室四王傳良平帝時爲蕭令

日角

朱建平相書曰額有龍犀八髮左角日右角月王天下也
經援神契曰伏羲大日山準日角宋均曰日角額有骨表取
象如日所出房所立有星也

大二百五十七
小六

大二百五十七
小五

元之長安

東觀記曰因學世事朝政每下必先問知其為同舍解說南陽大人與賢者往來長安為之邸閭稽疑議

謹厚者亦復為之

東觀記曰上為人仁智明遠多權略樂施愛人在家重慎畏事故云謹厚者也

新市平林兵

前書曰新市朱鮪平林陳牧等也水經注曰隨郡平林縣城與新市接界故中興之始兵有新市平林之號

西擊長聚

齊武王傳曰屠長聚

後漢書補注卷一

二

廣雅叢書同治本

進屠唐子鄉

兩漢博聞曰師古云屠謂破取城邑誅其人如屠六畜然水經注曰新野唐子坡在唐子山西南有唐子亭

注例曰

范氏例也別為一卷今亡

進拔棘陽

范氏例曰得城為拔

戰于小長安

謝沈書曰光武攻清陽不下引兵欲攻宛至小長安與甄阜戰敗于清水杜佑曰南陽漢宛縣縣南三十七里有小長安

樂史曰在清水之東

更始元年

張衡以為更始居位人無異望光武初為其將然後即真宜以更始之號建于光武之初東觀諸書不為更始立紀尉宗集中亦言其失其作漢書獨書更始元年者蓋從平子之說也

漢軍復與甄阜梁丘賜戰于泚水西大破之

謝沈書曰甄阜等敗光武于小長安乘勝南渡黃滔水前營皆阻兩川謂臨泚水絕後橋示無還心漢兵擊之二軍潰溺死黃滔水者二萬人事具齊武王傳

注泚水在今唐州泚陽南

泚亦作泚桑欽水經曰泚水出泚陽東北大胡山李吉甫曰

後漢書補注卷一

三

廣雅叢書同治本

平南去縣二里出慈仁縣東南大湖山

注清水之陽

李吉甫曰清水東去縣三里南都賦曰清水蕩其隈是也

二月辛巳立劉聖公為天子

前書曰三月辛巳朔案劉玄傳亦作二月前書誤也

三月光武別與諸將徇昆陽定陵鄧

前書曰四月世祖與臣常等別攻潁川下昆陽鄧定陵師古

曰鄧音一扇反

注昆陽故城在今許州葉縣北

李吉甫曰在葉縣北二十五里

大司空王邑

大司馬王邑

前書表曰建平元侯邑以兄弟紹封王莽篡位爲隆信公

將兵百萬其甲士四十二萬人

前書曰莽遣邑馳傳之洛陽與司徒王尋發眾郡兵百萬平定山東邑至洛陽州郡各選精兵牧守自將定會者四十二

萬人

初光武爲舂陵侯家訟通租于尤

賈逵左傳注曰凡言初者隔其年後有禍福將終之乃言初也

注宛人朱福

朱福卽朱祐東觀史避安帝諱改曰福也

徵天下能爲兵法者六十三家

後漢書補注卷一

四 廣雅叢書局集

蘇文志曰凡兵書五十三家省十家重入楚鞠一家出司馬

法入禮案此則七略所載兵書本六十家至班氏校書省爲

五十三家也前書曰徵諸明兵法六十三家術者各持圖書

會侯騎還言大兵且至城北

崔浩漢書音義曰侯騎候邏驍

今假號者在宛

前書曰今稱尊號者在宛下案時宛城尚未拔不得云在宛

前書是也胡三省曰假號謂更始也

雲車注卽樓車

服虔左傳注曰樓車所以窺望敵軍兵法所謂雲梯也

城中負戶而汲

大三 百二十七 小五

言戶內穿井故云負戶通典一百五十八卷作負楯

頻首數百千級

胡三省曰自數百級以至千級也

乃僞使持書報城中

東觀記曰遂令輕足將書與城中諸將

尋邑得之不熹

棟案熹與喜古字通劉寬碑陰聞喜字作熹說文云熹喜樂

也

遂殺王尋

前書曰世祖悉發郾定陵兵數千人來救昆陽尋邑易之自將萬餘人行陳敕諸營皆按部無得動獨迎與漢兵戰不利

後漢書補注卷一

五 廣雅叢書局集

大軍不敢擅相救漢兵乘勝殺尋

或燔燒其餘

師古曰燔焚也音扶元反李吉甫曰燒車水在許州葉縣南

二十四里光武破王尋燒其輜重于此水濱因名

司徒官屬迎弔光武

胡三省曰伯升官屬也

注商人杜茂從莽

三輔舊事曰莽兄杜茂手殺莽東觀記亦作杜茂吳虞古字

通也

以光武司隸校尉使前整脩宮府

鄭玄周禮注曰漢始置司隸亦使將徒治道溝渠之役後稍

大三 百九十七 小五

尊之使主官府及近郡

于是致僚屬

致通鑑作置此與九年初致青巾立校尉官十五年致二校

尉官皆當作置而紀作致者疑古字通也

作文移

王幼學曰移箋表之類也官曹公府不相臨敬則爲移

諸子

說文曰衽諸衽也省作于玉篇尤夫切

注或繡下有擁字

續漢志曰衣婦人衣繡擁鬢故云也

由是識者皆屬心焉

後漢書補注卷一

六

廣雅書局印

東觀記曰三輔官府吏東迎洛陽者見更始諸將過者已數

十輩皆冠幘衣婦人衣大爲長安所笑知者或畏其衣特亡

入邊郡及見司隸官屬皆相指視之極望老吏或垂涕曰繁

然復見官府儀體賢者蟻附

十月持節北度河鎮慰州郡

鄭康成周禮注曰今時使者持節賈公彥云竹使符也東觀

記曰更始欲以近親巡行河北大司徒賜言上一可用更始

以上爲大司馬安集河北

注爲其眊三重

陳繼儒曰眊音餌羽衣一名兜鍪

十二月立郎爲天子

六
小五

袁紀曰十二月壬辰也

二年進至下博城西注故城在今冀州下博縣南

李吉甫曰在縣南二十里應劭曰太山有博故此加下

有白衣老父在道旁指曰努力

公羊傳曰尙速有悔于予身何休曰尙猶努力酈元曰漢氏

中興始基之矣尋求父老不得議者以爲神

信都郡爲長安守

時更始都長安故云爲長安守

防子注防與房古字通

棟案隸法防字其戶皆在側或作防及防者皆誤也

漁陽太守彭寵

後漢書補注卷一

七

廣雅書局印

東觀記曰上圍邯鄲未下彭寵遺米糒魚鹽以給軍糧

五月甲辰拔其城

何焯曰誅王郎則河北定光武始有土書曰

得吏人與郎交關誑毀者數千章

東觀記曰得吏民誑毀公言可擊者數千章漢律曰與罪人

交關三日以上皆應知情胡三省曰關通也王幼學曰交結

關通也

自是始貳于更始

作光武紀不得言貳于更始春秋傳曰王貳于虢蓋用其

是時長安政亂四方背叛

何焯曰此皆聖公所不能辦者光武取天下于羣雄之手故

六
小五

先撮敘之

秦豐自號楚黎王

余知古渚宮故事曰豐少有雄氣王莽末結鄉里豪傑起兵掠荊州十二縣據襄陽之黎丘自稱楚黎王

高湖

鄧晨伏隆傳皆作胡

重連

袁紀作董連

注徐少

少字異卿見伏湛傳

注古師郎

後漢書補注卷一

八

廣雅書局印

伏隆傳作右師郎

注蕭該

隋書經籍志曰蕭該范漢音三卷

注臧矜

矜當作競經籍志曰范漢音訓三卷陳宗道先生臧競撰

降者猶不自安

東觀記曰諸將未能信賊賊亦兩心

安得不投死乎

胡三省曰投托也託以死也棟案東觀記作効死

建武元年方望

前書宣元六王傳曰更始時嬰在長安平陵方望等頗知天

文以爲更始必敗嬰本統當立者也共起兵將嬰至臨潯立爲天子

李松

胡三省曰李通之從弟

顧本

袁記及耿弇傳皆作慎

光武自投高岸

袁宏紀曰漢軍大壞王親揮刀以禦賊未交鋒耿弇射之賊不得前岸高不得上王自投馬下水經注曰自投崖下

王豐

豐後爲中郎將見馬武傳

後漢書補注卷一

九

廣雅書局印

爲虜嗤

袁宏記曰王撫謂言曰幾爲賊所笑

十二將軍

案耿弇傳光武遣弇與吳漢景丹蓋延朱祐邳彤耿純劉植岑彭祭遵堅鐔王霸陳俊馬武十三將軍并弇爲十四也

斬其將賈彊

水經注曰持節使者賈彊

今此誰賊而馳驚擊之乎注誰謂未有主也

顧炎武曰注非也陳仁錫曰言何等賊易與耳不煩擊也

光武從薊還

東觀記曰上發薊還士眾喜樂師行鼓舞歌詠八荒震動

光武又不聽

東觀記曰上破賊入漁陽諸將上尊號上不許議曹掾張社言俗以爲燕人愚方定大事反與愚人相守非計也上大笑行至鄩注音火各反

此師古音也韋昭呼告反關駟云讀曉確則口交切也

同舍生彊華自關中奉赤伏符

東觀記曰時傳聞不見赤伏符文軍中所上未信到鄩上所與在長安同舍諸生彊華自長安奉赤伏符詣鄩與上會風俗通曰晉有大夫彊劍姓譜彊其良反一作強見廣韻巨良切

設壇場于鄩南

後漢書補注卷一

十

廣雅叢書局本

何焯曰地里志云鄩莽曰禾成亭當時卽位于此蓋亦取與光武名相應也棟案史記高祖功臣年表有禾成孝侯公孫耳或漢元以來本名禾成後改高邑也

六月己未卽皇帝位

案濟陽宮碑作乙未

十一將軍

案岑彭傳時又有大司空王梁右將軍萬修驍騎將軍劉植積射將軍侯進偏將軍馮異祭遵王霸等合朱祐岑彭賈復堅鐔爲十一將軍

以前高密令卓茂爲太傅

顧炎武曰高字衍

小五

中駕入洛陽幸南宮御井殿遂定都焉

帝王世紀曰洛陽古成周之舊基城東西六里一十步南北九里一百步時人謂洛陽爲東京長安爲西京

叔壽

案書潁川人見馮異傳孫恤曰叔姓左傳魯公子叔弓之後二年古帝王封諸侯不過百里故利以建侯取法于雷

逸禮王度記曰諸侯封不過百里象雷震百里所謂與同也雷者陰中之陽也諸侯象也諸侯比王者爲陰南面背罰爲陰法雷也七十里五十里差功德也孝經緯援神契曰王者之後稱公大國稱侯皆千乘象雷震百里

彊幹弱枝

後漢書補注卷一

七

廣雅叢書局本

春秋緯漢含孳曰彊幹弱流天之道宋均曰流猶枝也尙書大傳曰彊幹弱枝尊天子卑諸侯也

更始復漢將軍鄧暹輔漢將軍于匡降

壬子

通鑑考異曰案正月甲子朔不應有壬子誤

始正火德色尙赤

東觀記曰自漢草創德運正朔服色未有所定高祖因秦以十月爲正以漢水德立北時而祠黑帝至孝文賈誼公孫宏以爲秦水德漢當爲土德至孝武兒寬司馬遷猶從土德自上卽位案圖讖推五運漢爲火德周蒼漢赤木生火赤代蒼

小五

故上都雒陽制郊祀于城南行夏之時犧牲尚黑明火德之運徽幟尚赤四時隨色郊祀帝堯以配天宗祀高祖以配上帝又案前書郊祀志曰劉向父子以爲帝出于震故包義氏始受水德其後以母傳子終而復始自神農黃帝下歷唐虞三代而漢得火焉故高祖始起神母夜號著赤帝之符旗章遂赤自得天統矣鄧展曰向父子雖有此議時不施行至光武建武二年乃用火德色尚赤耳

注虞主用桑練主用栗

許慎五經異義曰公羊說虞而作主古春秋左氏說既葬反虞天子九虞九虞者以柔曰九虞十六日也諸侯七虞十二日也大夫五虞八日也士三虞四日也既虞然後祔死者于

後漢書補注卷一

十一

廣雅叢書局刻

先死者祔而作主謂桑主也期年然後作栗主謹案左氏說與禮同漢舊儀曰上林給栗木也五經異義又云三王之代小祥以前主用桑者始死尚質故不相變既練易之遂藏于廟以爲祭主

二月乙未大赦天下

續漢書詔曰其赦天下惟殘賊用刑戮深刻獄多冤人朕甚愍之自今以後有犯者將正厥辜

潘崇

通鑑注案姓譜曰周文王之子季孫食采于潘因氏曰潘首有潘父楚有潘崇

周後姬常爲周承休公

六三九十七
小五

案周族表常姬萬之子建武二年更封承休侯十三年封于觀爲衛公也承休國屬潁川

劉經

終泗水王劉歆子始起兵時誘殺湖陽尉

湖陽

郡國志內黃有義陽聚鄴元曰在縣北世謂之義陽郭也案墨翟書以義爲義見說文

野穀旅生

晉灼曰野生曰旅今之飢民采旅生也旅櫓古字者案書序周公既得嘉禾旅天子之命史記旅作魯古文魯字如旅故旅亦作魯耳

後漢書補注卷一

十三

廣雅叢書局刻

三年崱底注名崱岑山

公羊傳曰般之歿巖杜預曰般在宏農澠池縣西二般之間南谷中谷深委曲兩山相崱也陸德明釋文曰般本又作崱戶交反劉昌宗音豪

其擇吉日祠高廟

風俗通曰漢舊注沛人語初發聲皆言其其者楚言也高祖始登帝位教令言其其後以爲常耳

吏不滿六百石下至墨綬長相有罪先請

鄭眾周禮注曰議貴者今時吏墨綬有罪先請是也賈公彥曰漢法丞相中二千石金印紫綬御史大夫二千石銀印黃綬縣令六百石銅印墨綬

六三九十七
小五

男子八十以上十歲以下

鄭眾周禮注曰今時律令年未滿八歲八十以上非手殺人

他皆不坐

自非不道

張斐律表曰逆節絕理謂之不道

詔所名捕注詔書有名而特捕者

前書平帝紀曰元始元年詔曰詔所名捕張晏曰名捕謂下

詔時所捕也棟案漢有捕律在九篇中

幸春陵祠園廟

李吉甫曰世祖父南頓君陵在隨州棗陽縣東二十七里

舊宅

後漢書補注卷一

十四 廣雅叢書

東觀記曰光武征秦豐幸舊宅水經注曰白水陂之陽有光

武故宅基址存焉所謂白水鄉也光武征秦豐幸舊邑張平子

以爲真人南巡觀舊里焉

注光武舊宅在今隨州棗陽縣東南

李吉甫曰在縣東南三十里

四年進幸元氏

東觀記曰光武北征彭寵陰后從行生孝明帝于元氏傳舍

辛巳進幸盧奴

東觀記曰爲征彭寵故

垂惠

續漢志曰汝南山桑有垂惠聚

是歲

東觀記曰白王莽末天下旱蝗連年百穀不成元年之初耕

作者少民饑饉黃金一斤易粟一石至二年秋天天下野穀旅

生麻菰尤盛或生庶菓實野蠶成繭被山民收其絮採獲

穀果以爲蓄積是歲野穀生者稀少而南畝亦益闕矣

五年注武帝封孔吉爲殷紹嘉公

恩澤侯表曰殷紹嘉侯孔何齊綏和元年二月以殷後孔子

世吉適子封後六月進爵爲公元和二年更爲宋公

其令中都官三輔郡國出繫囚注前書音義曰中都官謂京師

諸官府也

前書宣帝紀曰後元二年上遣使者分條中都官獄繫者

後漢書補注卷一

十五 廣雅叢書

漢書曰武帝置中都官獄二十六所世祖皆省惟廷尉及雒

陽有詔獄又宣帝紀曰神爵元年發三輔中都官從弛刑衛

宏漢書儀曰郡邸獄理天下郡國上計屬大鴻臚東市獄屬

京兆尹西市獄屬左馮翊

幸沛祠高原廟

徐廣引東觀記曰上幸豐祠高祖于原廟棟案史記高紀曰

孝惠五年思高祖之樂沛以沛宮爲高祖原廟是也

初起太學

東觀記曰初起太學宮諸生吏民子弟及民以義助作上自

齊歸幸太學賜博士弟子有差

是歲野穀漸少

符瑞志曰建武初野蘭穀充給百姓其後耕蠶稍廣二事漸

息

六年改春陵鄉爲章陵縣

李吉甫曰春陵故城在隨州棗陽縣東南三十五里

篤癰注癰病也

案注當云癰癰病也晉平公癰病是也師古曰癰癰病也音

隆

諸將還京師置酒賞賜

東觀記曰二月吳漢下胸城天下悉定唯獨公孫述隗囂未

平上曰取此兩子置度外乃休諸將置酒賞賜之

始謁高廟遂有事十一陵

後漢書補注卷一

廣雅書局

三輔故事曰光武至長安宮闕燒盡徙都洛陽取十二陵合

爲高廟作十二室太常卿一人別治長安主知齋祠謂之高

廟

詔曰夫張官置吏所以爲人也

白虎通德論曰列士爲疆非爲諸侯張官設府非爲卿大夫

皆爲民也

各實所部

胡三省曰所部郡縣名考覈其實也棟案應劭曰王莽謚皆言

王莽篡位續以更始赤眉之亂邊陲蕭條郡縣破壞光武中

興海內人民十有二存或空置太守令長故令司隸州牧各

實所部爲裁省郡國張本也

上大司徒大司空二府

王充論衡曰郡言事二府曰敢言之司空曰上棟案孔廟置

卒史碑前言魯相平行長史事下守長擅扣頭死罪敢言之

司徒司空府左方云平皇恐扣頭死罪上司空府是也

西賓晦日有食之

續漢志曰在尾八度史官不見郡以聞

行巡

孫愐曰行姓周有大行人之官其後氏焉漢有行宏爲任城

相

七年

東觀後記本紀曰建武七年正月詔羣臣奏事無得言聖人

後漢書補注卷一

七

又舊制上書以青布囊素裹封書不中式不得上既上詣北

軍待報前後相塵連歲月乃決上躬親萬機急于下情乃令

上書啟封則用不得刮璽書取具文字而已奏詣關平旦上

其有當見及冤結者常以日出時驕騎馳出召入其餘遇中

使者出報即罷去如神遠近不偏幽隱上達民莫敢不用情

又曰追念前世園陵至盛王侯外戚葬埋僭侈吏民相劾浸

以無限詔告天下令薄葬

殊死

前書高帝紀五年詔曰其赦天下殊死以下如涓曰死罪之

明白也左傳曰斬其大而弗殊韋昭曰殊死斬刑也說文曰

漢令蠻夷長有罪當殊之師古曰殊絕也異也言其身首離

絕而異處也

罪

江憲文釋曰漢令完而不髡曰耐如淳曰律耐爲司寇耐爲鬼薪白粲耐猶任也應劭曰輕罪不至於髡完其髡鬢故曰耐古耐字從彡髮膚之意也杜林以爲法度之字皆從寸後改如是

亡命

晉灼曰命者名也謂脫名籍而逃匿則削除名籍故以逃爲亡命

罷護漕都尉官

應劭漢官儀曰侍御史至督州郡稅賦漕軍糧言督軍糧侍

後漢書補注卷一

大 廣雅書局刊本

御史至後漢復有護漕都尉官建武七年省
癸亥晦日有食之

續漢志曰在畢五度袁宏紀曰是時宰相多以功舉官人率由舊恩天子勤吏治俗頗苛劾因是變也
及爲青徐賊所略爲奴婢下妻

方言曰就室曰摎于道曰略略強取也棟案漢盜律有劫略之科

以賣人法從事

盜律曰略人略賣人和賣人爲奴婢者死陳羣新律序曰盜律有和賣賣人案此則漢律盜篇有賣人之條前二年詔曰致拘執論如律所謂律者卽賣人法也

大二百八十一
小五

朔方太守田颯

史炤釋文音立王幼學音思合反案颯後爲漁陽太守見斥
彰長田君碑

喬尾

盧芳傳作橋喬氏狀云木橋氏黃帝後至後周始去木元和姓纂曰橋山支孫守冢者爲氏棟案陳球碑云司空喬玄蓋當時已有借用者矣

八年略陽

閼駟十三州志曰略陽道在水郡東六十里卽故冀城也宋白續通典曰在隴城縣東六十里卽故冀城魏黃初中改爲隴城

後漢書補注卷一

大 廣雅書局刊本

是歲大水

東觀記曰郡國比大水涌泉盈溢杜林以爲倉卒時兵權擅作威強民雖皆降散猶尚有遺脫長吏制御無術令得復熾元元侵凌之所致

九年繁峙注今代州縣

胡三省曰案唐代州繁峙雖存漢縣名然非古繁峙也時音止

十年脩理長安高廟

理本治字避諱改焉他倣此

十一年己酉幸南陽

通鑑考異曰袁紀三月己酉幸南陽案上有二月己卯以長

大二百八十一
小五

原考之二月壬申朔己卯八日也己酉庚午皆在三月己酉上朔三月字

環安

孫恂曰環姓古有楚賢者環淵後有環濟

黃石注卽黃后灘也

歐陽志曰涪州涪陵縣有黃后灘一名橫后岑彭破侯丹于

黃后卽此

馬成平武都因隴西太守馬援擊破先零羌徙致天水隴西扶

風

杜佑曰宣帝代先零種寇金城趙充國立屯田且討且招降者三萬餘人置金城屬國以處之自後賓服光武建武中初

後漢書補注卷一

三

寇金城馬援討破降之徙七千口于三輔江統徙戎論曰漢

興都長安關中之郡號曰三輔禹貢雍州宗周豐鎬之舊也

及建武中以馬援領隴西太守討叛羌徙其餘種于關中居

馮翊河東空地故段熲疏曰當煎作寇馬文淵徙之三輔是也

十二年武陽

杜佑曰漢武陽縣故城在嘉州綏山縣東

拔涪城

宋白續通典曰涪州巴西縣本漢涪縣

吳漢屠成都夷逆宗族及延岑等

常璩華陽國志曰漢盡誅公孫氏及延牙等諸將帥二十餘

人

大三百一十七
小五

十三年尊擇

顏之推曰導訓擇相如封禪書曰導一莖六穗于庖是也說

文作導

禮賈過所

周禮司關職曰以節傳出之鄭玄曰如今移過所文書

不應經義注以其服屬既疏不當襲爵爲王

棟案注非也周制頒爵不過五等公侯伯子男無封王者故

云不應經義朱祐傳祐奏古者人臣受封不加王爵可改諸

王爲公帝卽施行故有是詔十五年詔封諸王爲公十七年

仍進爵爲王也詳見下

周承休公姬常

後漢書補注卷一

三

案恩澤侯表姬常于建武二年爲周承休侯五年侯武嗣十

三年更爲衛公然則姬常當作姬武也續漢志亦誤作常志

又云以爲漢賓在三公上

葆車

西京賦曰垂翟葆建羽旌前青韓延壽傳曰在東郡試騎士

治飾兵車植羽葆也

法物注謂大駕鹵簿儀式也

胡三省曰法物卽上樂器葆車輿輦之類

羌豪

書序曰西旅獻獒鄭玄曰獒讀爲豪西戎無君名強大有政

者爲西豪也

大三百一十一
小五